

劍川州志卷之十九

災祥

**遇**

人事之得失氣數之災祥應之自古迄今未之有  
易也然遇災而懼有時不足為災遇祥而驕究竟  
不得為祥劍地一掌之區彗見星流日華雲爛與  
全滇共之者夫川嶽鎮撼草蟲恠變越境未聞而  
一才獨有則又載筆者所不容畧也向來災祥失  
編茲始擴近今一二以備鑒戒當之者寧懼毋驕  
可也志災祥

劍川州志

卷十九

災祥

二十七

成化十六年六月劍川大雷雨衝沒民田二百餘畝  
弘治十四年正月十六日地震有聲如雷土城官民  
房屋傾圮殆盡人民遭壓無數

天啓四年二月初八日巳時地震自東來聲若鐘雷  
海虹橋倒并寺廟垣墻傾圮甚多民居露處震搖  
數日始定

康熙四年龍見於西庄後等水塘中  
十年漢登箐中有二大鳥喙喙如鋤張口則小鳥飛  
入喉中放炮擊之不動數日飛去是年大水

十八年彗星見光芒亘天數月方滅

十九年天鐫星見其形如劍其長竟天數月方滅

二十一年兵後大疫

二十七年二月狂風拔木飛塵蔽天三月西山鳴劍

湖魚蟹多死四月大雪菽麥盡傷○五月十九

地震自西南來城廓官民房屋倒塌無數同時壓

斃一百九十餘人受傷陸續死者數百人大震之

時反塵蔽天聲响如雷湖中魚蝦死浮水面牲畜

壓死者食之輒病廬間神鬼嚎哭恠異萬狀自後

劍川州志

卷十九

災祥

六十八

後每日震十餘次半載方止廬舍盡成瓦礫丘園

鞠為茂草奉

撫院石請發帑平倉捐穀賑濟○七月大雨雪傷稼

四十六年七八月大雨淹沒禾苗人多溺死九月祖

雨山崩壓死伐木十餘人

四十八年三月辛卯巳時白虹貫日東西兩珥至未

時散

五十年 麥秀兩岐○十月初六日亥時天狗星

如鼓大從東飛墜西南山中聲聞者雷其光燭天

五十一年壬辰正月初二日金華山南有五色祥雲  
亘天○本年求仁甸山中竹開花結實味甘淡彼  
地饑民取之以濟饕殮至有滿載而歸者一時懸  
釜所資甚溥釀酒飲之療疾疾  
五十二年三月十一日申時雨雹後州城西北天鼓  
鳴

劍川州志

卷十九

災祥

六十九